

Alþingi
Erindi nr. P 130/920
komudagur 3.2.2004



Nefndasvið Alþingis
Félagsmálanefnd Alþingis
B.t. Stefáns Árna Auðólfssonar, nefndarritara
Þórshamri v/Templarasund
150 Reykjavík.

Reykjavík, 26. janúar, 2004

Umsögn um: Þingsályktunartillögu um eflingu félagslegs forvarnastarfs, 35. mál.

Barnaheill vilja með umsögn þessari fyrst og fremst taka undir mikilvægi þess að efla félagslegt forvarnastarf.

Barnaheill vilja einnig benda á að starf á vegum félagsmiðstöðva, ungmenna- og íþróttahreyfingarinnar, nemendafélaga, skáta, tómstundafélaga og trúfélaga um allt land eru kjörin vettvangur til að þjálfa börn og unglinga í að láta skoðanir sínar í ljós bæði með rökræðum og með þátttöku í verkefnum á vegum þessara aðila. Á þann hátt gætu stjórnvöld verulega stutt við framkvæmd 12. greinar Barnasáttmálans og þróað, ekki bara börnin, heldur allt samfélagið í að nota lýðræðisleg vinnubrögð í daglegu lífi og efla sjálfsmat ungs fólks sem er stór þáttur í að efla félagslegt forvarnastarf.

Athugasemdin sem samtökin vilja koma á framfæri er að ekki er ljóst við lestur tillögunnar hver ætti að framkvæma úttektina á félagsstarfi í einstökum sveitarfélögum og á landsvísu. Væri til bóta að það kæmi skýrt fram. Til þess að geta tekið skynsamlegar stefnumótandi ákvarðanir er nauðsynlegt að vinna vel að þessari úttekt.

Virðingarfyllst,
f.h. Barnaheilla

Handwritten signature of Kristín Jónasdóttir.
Kristín Jónasdóttir, framkvæmdastjóri.

Alþingi
Erindi nr. P 130/712
komudagur 7.1.2004

EYÞING – *Samband sveitarfélaga í Eyjafirði og Þingeyjarsýslum* –
Strandgötu 29; 600 Akureyri; Sími 461-2733; kt. 561192-2199; Netfang eything@est.is


Akureyri 5. janúar 2004

Nefndasvið Alþingis
Austurstræti 8 - 10
150 Reykjavík

Stjórn Eyþings hefur fengið til umsagnar frá félagsmálanefnd Alþingis tillögu til þingsályktunar um eflingu félagslegs forvarnastarfs, 35. mál. Stjórnin samþykkti eftirfarandi umsögn:

Fyrir skömmu hófst viðamikið samstarfsverkefni Sambands ísl. sveitarfélaga og Áfengis- og vímuvarnaráðs undir heitinu „Vertu til“ til að efla áfengis- og fíkniefnaforvarnir sveitarfélaga. Sveitarfélögin hafa verið hvött til aðildar að verkefninu og til að móta forvarnastefnu. Mikið kynningarstarf hefur farið fram á vegum verkefnisins, en með því er forvarnastarfi sveitarfélaga beint í einn farveg. Stjórn Eyþings tekur undir tilgang tillögunnar um mikilvægi þess að efla félagslegt forvarnastarf og telur mikilvægt að ríkið styðji það verkefni sem sveitarfélögin eru að beina kröftum sínum í. Þá telur stjórnin ánægjulegt ef hægt er að auka fjárframlög til forvarnastarfs eins og ráð er fyrir gert í tillögunni. Stjórn Eyþings tekur að öðru leiti ekki afstöðu til tillögunnar.

f.h. stjórnar Eyþings


Pétur Þór Jóhannsson
framkv.stjóri

Kt.: 700573-0799

91. mál

Frumvarp um breytingu á lögum um tekjuskatt og eignarskatt.

Stjórn F.V. tekur ekki afstöðu til frumvarpsins en telur þörf á samræmingu reglna um fjárhagsaðstoð sveitarfélaga þar sem þær reglur eru afar mismunandi milli sveitarfélaga.

45.mál.

Tillaga til þingsályktunar um aðgerðir gegn ójafnvægi í byggðamálum.

Stjórn F.V. tekur undir að samræma þarf byggðaaðgerðir og vinna að þeim eftir fyrirframgerðum áætlunum. Stjórnin minnir á vestfirska byggðaaætlun og nauðsyn markvissra aðgerða.

30.mál.

Frumvarp til laga um breytingu á sveitarstjórnrlögum.

Stjórn F.V. telur ekki tímabært að setja reglur um lágmarksfjölda íbúa meðan nefnd er að störfum á vettvangi Sambands sveitarfélaga sem vinnur að tillögum um stækkun sveitarfélaga .

Mál 307.

Frumvarp til laga um breytingu á lögum um réttindi og skyldur starfsmanna ríkisins nr. 70/1996 með síðari breytingum.

Stjórn F.V. telur að heildarsamræmingu þurfi á réttindum og skyldum allra starfsmanna bæði í opinberri þjónustu og einkarekstri. Á þessu stigi sé því ekki rétt að taka eitt atriði út úr lögunum.

Mál 306.

Frumvarp til laga um breytingu á ýmsum lögum á orkusviði.

Stjórn F.V telur eðlilegt að samræmi sé milli fyrirtækja í greiðslu fasteignaskatta

Stjórn F.V. telur það horfa til bóta að orkufyrirtækin greiði fasteignaskatt af húseignum eins og önnur fyrirtæki.

Mál 305.

Frumvarp til laga um breytingu á lögum nr. 78/2002 um niðurgreiðslur húshitunarkostnaðar.


Stjórn F.V. styður afgreiðslu frumvarpsins þar sem hér er um að ræða hækkun á stofnstyrkjum til að koma á fót hitaveitu til húshitunar.

Þannig bókað á fundi í stjórn Fjórðungssambands Vestfirðinga 14. janúar 2003.

Virðingarfyllt.

Ísafirði 15. janúar 2003.

F.h. Fjórðungssambands Vestfirðinga

A handwritten signature in black ink, appearing to read 'Aðalsteinn Óskarsson', written over a horizontal line.

Aðalsteinn Óskarsson.

Alþingi
Erindi nr. P 130/262
komudagur 24.11.2003



Nefndarsvið Alþingis
Austurstræti 8 - 10
150 REYKJAVÍK

HEILBRIGÐIS- OG
TRYGGINGAMÁLARÁÐUNEYTIÐ

Laugavegur 116, 150 Reykjavík
sími: 545 8700, bréfasími: 551 9165
postur@htr.stjr.is · www.heilbrigdisraduneyti.is

Reykjavík 20. nóvember 2003


Tilvísun: HTR03110192/0030/MS/--

Visað er til bréfs félagsmálanefndar Alþingis dags. 18. nóvember 2003 ásamt meðfylgjandi tillögu til þingsályktunar um eflingu félagslegs forvarnastarfs, 35. mál.

Í bréfi félagsmálanefndar er leitað umsagnar heilbrigðis- og tryggingamálaráðuneytisins um fyrrgreinda þingsályktun.

Ráðherra mun gera grein fyrir afstöðu ráðuneytisins, þegar málið kemur til umræðu á Alþingi.

F.h.r.


Ragnheiður Haraldsdóttir
skrifstofustjóri

ÍSÍ ÍÞRÓTTA- OG ÓLYMPIÚSAMBAND ÍSLANDS

THE NATIONAL OLYMPIC AND SPORTS ASSOCIATION OF ICELAND

Íþróttamiðstöðinni Laugardal, Engjavegi 6, 104 Reykjavík,

Sími/Tel. +354 514 4000, Fax +354 514 4001, isi@isisport.is, www.isisport.is

Alþingi

Erindi nr. P 130/432

komudagur 3.12.2003



**Nefndasvið Alþingis
Austurstræti 8-10
150 Reykjavík**

Reykjavík, 1. desember 2003

Vísað er í bréf dags. 18. nóvember þar sem óskað var eftir umsögn ÍSÍ á tillögu til þingsályktunar um eflingu félagslegs forvarnastarfs, 35. mál.

Íþrótta- og Ólympíusambandi Íslands hefur fjallað um málið og styður umrædda tillögu.

Þetta tilkynnist hér með.

Virðingarfyllst,
ÍSÍ ÍÞRÓTTA- OG ÓLYMPIÚSAMBAND ÍSLANDS

Ellert B. Schram
forseti

Stefán Konráðsson
framkvæmdastjóri

ÓLYMPIÚFJÖLSKYLDAN

Nefndarsvið Alþingis
Austurstræti 8 - 10
150 Reykjavík

Reykjavík, 5. desember 2003

Efni: Umsögn um tillögu til þingsályktunar um eflingu félagslegs forvarnastarfs, þskj. 35. - 35. mál, 130. löggjafarþing 2003-2004.

Lýðheilsustöð þakkar félagsmálanefnd fyrir að fá ofangreinda þingsályktunartillögu til umsagnar.

Lýðheilsustöð styður tillögu um að félagslegt forvarnastarf verði eftt og að til þess verði framlag ríkissjóðs í Forvarnasjóð hækkað.

Það er almennt viðurkennt að áhrifaríkar forvarnir felist í uppeldi og menntun barna sem skilar þeim sterkum til fullorðinsára og færur um að fást við hvers kyns áskoranir sem þau munu óhjákvæmilega mæta á lífsleiðinni. Þó ábyrgð foreldra, með nærgætni, virðingu og handleiðslu í uppeldinu að leiðarljósi, vegi þýngst verður mikilvægi virks félags- og íþróttastarfs til að þroska félagsvitund og bæta andlegt og líkamlegt heilbrigði ungs fólks seint ofmetið. Lýðheilsustöð fagnar tillögu um að efla félagslegt forvarnastarf en bendir jafnframt á mikilvægi þess að meta forvarnaverkefni sem efnt er til með tilliti til settra markmiða, framkvæmdar, kostnaðar og árangurs.


Með stofnun Lýðheilsustöðvar 1. júlí 2003 færðist umsýsla Forvarnasjóðs frá áfengis- og vímuvarnaráði til stöðvarinnar. Við þá breytingu er fyrirsjáanlegt að sjóðurinn nýttist til fjölbreytilegri verkefna en hingað til. Forvarnasjóður hefur haft til umráða 70 - 80 milljónir kr. árlega undanfarin ár. Ástæða er til að benda á að þessar upphæðir sem varið er til **forvarna** af opinberu fé eru mun lægri en þær sem varið er til **meðferðar** við áfengis- og vímuefnafíkn. Hluta af Forvarnasjóði hefur verið varið til rekstrar ráðsins en megninu verið úthlutað til verkefna á sviði áfengis- og vímuvarna samkvæmt lögum um gjald á áfengi nr. 96/1995 og lögum um áfengis- og vímuvarnaráð nr. 76/1998. Styrkjum úr sjóðnum hefur gjarnan verið varið til verkefna og starfs í sveitarfélögum á vegum félagsmiðstöðva, ungmenna- og íþróttahreyfingarinnar, nemendafélaga, skáta, tómstundafélaga og trúfélaga. Mörg þessara verkefna hafa víðari skírskotun en áfengis- og vímuvarnir. Við úthlutun úr Forvarnasjóði hefur verið stefnt að því að efla frumkvæði til forvarnastarfs í heimabyggð því misjafnt er hvað hentar á hverjum stað og hvaða þekking, úrræði og

fjárráð eru fyrir hendi. Rætt hefur verið um að æskilegt væri ef sveitarfélög, sem ekki hafa bolmagn til að standa að öflugum félags- og tómstundastarfi fyrir börn og unglunga í byggðarlaginu, hefðu aðgang að ákveðnu fjármagni til að efla slíkt starf sem viðast. Viðbót við Forvarnasjóð eins og lögð er til í þingsályktunartillögunni gæti gert þetta mögulegt á fleiri en einn hátt.

Samstarfsverkefni áður áfengis- og vímuvarnaráðs en nú Lýðheilsustöðvar og Sambands íslenskra sveitarfélaga, sem nefnist „Vertu til“, var hleypt af stokkunum í ársbyrjun 2003. Verkefnið snýst um að efla áfengis- og vímuvarnir í sveitarfélögum landsins. Lögð er áhersla á að veita sveitarfélögum um allt land stuðning með ráðgjöf og upplýsingamiðlun um skipulag og framkvæmd forvarnastarfs, m.a. á grundvelli reynslu af eldri verkefnum sem hafa verið metin faglega. Til verkefnisins verður varið 4,5 milljónum kr. af Forvarnasjóði og 1 milljón kr. frá Sambandi íslenskra sveitarfélaga til árin 2003-2005. Ljóst er að það fé er hvergi nóg og standa vonir til að efla megi verkefnið með framlögum annars staðar frá.

Loks skal bent á skýrslu starfshóps Sambands íslenskra sveitarfélaga um fíkniefnafræðslu og forvarnir frá 2002, rannsóknir á lífsstíl ungs fólks og mati á *Íslandi án eiturlyfja* og sveitarfélagaverkefni SÁÁ og heilbrigðisráðuneytisins. Öll þessi gögn eru afrakstur umfangsmikils samstarfs undanfarinn áratug og munu vafalítið koma að gagni við stefnumótun í forvörnum og heilsuefningu í framtíðinni.

Virðingarfyllst,


Lýðheilsustöð
Anna Elísabet Ólafsdóttir, forstjóri

Alþingi
Erindi nr. P 130/635
komudagur 17.12.2003



MENNTAMÁLARÁÐUNEYTIÐ

Alþingi
Félagsmálanefnd
Stefán Árni Auðólfsson, nefndarritari
150 REYKJAVÍK

Sölvhólsögðu 4 150 Reykjavík
sími: 545 9500 bréfasími: 562 3068
postur@mrn.stjr.is
www.menntamalaraduneyti.is

Reykjavík 11. desember 2003
Tilvísun: MMR03110189/43.410/UGM/--

Hjálagt sendist félagsmálanefnd Alþingis umsögn menntamálaráðuneytisins um tillögu til þingsályktunar um eflingu félagslegs forvarnarstarfs, 35. mál, þskj. 35.

F.h.r.

Guðmundur Árnason

Valur Árnason

130. löggjafarþing 2003-2004

Þskj. 35 - 35. mál.

Umsögn

um tillögu til þingsályktunar um eflingu félagslegs forvarnastarfs


Menntamálaráðuneytinu hefur borist til umsagnar, frá félagsmálarnefnd Alþingis, tillaga til þingsályktunar um eflingu félagslegs forvarnastarfs. Er þar lagt til að Alþingi feli ríkisstjórninni að vinna rammaáætlun um eflingu hvers kyns félagslegs forvarnastarfs sem verði liður í aðgerðum til að berjast gegn notkun ávana- og fíkniefna, þroska félagsvitund og bæta andlegt og líkamlegt heilbrigði ungs fólks. Áætlunin feli í sér úttekt á félagsstarfi í einstökum sveitarfélögum og á landsvísi sem til greina kemur í þessu sambandi, svo sem starfi á vegum félagsmiðstöðva, ungmenna- og íþróttahreyfingarinnar, nemendafélaga, skáta, tómstundafélaga og trúfélaga. Einnig verði gerðar tillögur um hvernig vænlegast sé að efla slíkt starf þannig að árangur náist. Til átakans verði varið allt að 10 millj. kr. á árinu 2003 til að undirbúa framkvæmd þess og síðan allt að 180 millj. kr. árlega í fimm ár eða þar til ákvarðanir verða teknar um frekara framhald málsins. Tekna verði aflað með hækkun á hlutfalli áfengisgjalds sem rennur í Fornvarnasjóð, sbr. 7. gr. laga nr. 96/1998. Um ráðstöfun fjáris er nánar fjallað í tillögunni.

Menntamálaráðuneytið gaf umsögn um sambærilegar þingsályktunartillögur, annars vegar á 127. löggjafarþingi með bréfi, dags. 12. desember 2001 og hins vegar á 128. löggjafarþingi með bréfi, dags. 28. janúar 2003. Var á það bent að ríkisstjórnin hefði samþykkt 3. desember 1996 margvíslegar aðgerðir í fíkniefna-, áfengis- og tóbaksvörnum. Stefna ríkisstjórnarinnar hefði falið í sér að efla forvarnir einkum þær sem beint væri að einstaklingum sem væru í áhættuhópum gagnvart notkun fíkniefna, áfengis og tóbaks. Frá því að ríkisstjórnin samþykkti umrædda stefnu í forvarnamálum hefði verið unnið ötullega að framkvæmd stefnunnar á vegum margra ráðuneyta og stofnana í samstarfi við fjölmarga aðila þ.á.m. sveitarfélög og félagasamtök. Í svarinu sagði jafnframt að í samræmi við stefnu ríkisstjórnarinnar hefði menntamálaráðuneytið m.a. skipulagt og unnið markvisst að forvarna- og fræðslustarfi í skólum landsins og stuðlað að styrkingu vímuvarna í skólum með ýmsum hætti. Lögð hefði verið áhersla á að auka þekkingu starfsfólks skóla á vímuefnamálum og styrkja skóla við gerð vímuvarnaáætlana. Ráðuneytið hefði staðið að námskeiðum og stuðlað að rannsóknnum sem nýst hefðu við forvarnastarf. Þá hefði menntamálaráðuneytið stutt Jafningjafræðslu framhaldsskólanema.

Í september árið 2002 skipaði menntamálaráðherra nefnd til að gera úttekt á stöðu félags- og tómstundamála ungs fólks á Íslandi. Nefndin skilaði viðamikilli skýrslu í maí 2003 og fylgir hún umsögn þessari. Nefndin hitti að máli fulltrúa fjölda félaga og félagasamtaka, fulltrúa sveitarfélaga, fulltrúa atvinnulífsins og ungmenni sem taka þátt í ýmskonar starfsemi sem þeim stendur til boða. Í skýrslunni er gerð ítarleg grein fyrir stöðu málaflokksins. Í skýrslunni eru einnig margar athyglisverðar tillögur sem eru nú til meðferðar í ráðuneytinu. Óhætt er að segja að þetta sé ein víðamesta skýrsla og tillögur sem gerðar hafa verið um viðkomandi málaflokk. Skýrslan hefur verið kynnt víða og um hana fjallað bæði hjá félögum og samtökum sem og þeim sem áhuga hafa á viðkomandi málaflokki.

Eins og fram kom í framangreindum umsögnum ítrekar menntamálaráðuneytið mikilvægi þess að heildarsýn náist yfir allt það starf sem unnið er að á þessum vettvangi, en um leið að óraunhæft sé að ákveða fjármagn til framkvæmda án þess að gerð sé ítarleg verk- og kostnaðaráætlun.

Alþingi
Erindi nr. Þ 130/432
komudagur 4. 2. 2004



**SAMBAND SVEITARFÉLAGA
Á SUÐURNESJUM**
FITJUM - 260 NJARÐVÍK
SÍMI 421-3788 - PÓSTHÓLF 56 - KT. 640479-0279
FAX: 421-3766

Suðurnesjum 2. febrúar 2004.

*Nefndasvið Alþingis
Félagsmálanefnd
Austurstræti 8-10
150 REYKJAVÍK.*

***Varðar umsögn um tillögu til þingsályktunar um eflingu félagslegs
forvarnarstarfs, 35. mál.***


*Á stjórnarfundum Samand sveitarfélga á Suðurnesjum þann 29. janúar s.l. var tekið
fyrir erindi yðar dags. 18. nóv. 2003 þar sem óskað var til umsagnar tillaga til
þingsályktunar um eflingu félagslegs forvarnarstarfs, 35. mál.*

Eftirfarandi var fært til bókar.

Stjórnin tekur ekki afstöðu til þingsályktunarinnar.

Þetta tilkynnist hér með.

Virðingarfyllst,


Guðjón Guðmundsson framkv.stj.



SAMFÉS, samtök félagsmiðstöðva á Íslandi
Aðalstræti 2
101 Reykjavík

Efni: Umsögn vegna þingsályktunar um eflingu félagslegs forvarnastarfs
Þskj.35-35. mál

Samfés fagnar þessari þingsályktun og þeirri sýn sem hún gefur á mikilvægi félagslegs forvarnastarfs. Starfsemi félagsmiðstöðvanna skipar veigamikinn þátt í félagslegum forvörnum líkt og fram kemur í greinargerðinni sem fylgir ályktuninni.

Félagsmiðstöðvar verða sífellt mikilvægari í nútímapjóðfélagi. Í dag eru 87 félagsmiðstöðvar starfandi vítt og breitt um landið. SAMFÉS reynir af fremsta megni að styrkja tengslanet þeirra og þann faglega grunn sem starfsemin byggir á.

Samþykkt á þingsályktuninni myndi veita SAMFÉS aukin tækifæri til þróunar á verkefnum á sviði forvarna. SAMFÉS hefur notið velvilja Áfengis- og vímuvarnaráðs í styrkjaúthlutun til verkefna. Miðað við þær umsóknir sem koma árlega í Vímuvarnasjóð er ljóst að fjármagnið dugar engan vegin til. Aukið fjármagn sem sérstaklega er eyrnamerkt félagslegum forvörnum myndi skila enn öflugra forvarnastarfi í grasrótarvinnunni með börnum og unglingum.

Rammaáætlun ríkisstjórnar

Erlendar og innlendar rannsóknir gefa ótvíræða vísbendingu um mikilvægi félagsstarfs í forvarnaskyni. Félagsmiðstöðvastarf er markvisst uppeldisstarf með ríkum forvarnagildum. Samþykkt þingsályktunarinnar frá Alþingi fæli í sér ákveðna viðurkenningu á gildi félagslegs forvarnastarfs í félagsmiðstöðvum. Slík viðurkenning hefur mikið að segja fyrir starfsfólk og börn/unglinga/ungt fólk í félagsmiðstöðvunum.

Úttekt á félagsstarfi í einstökum sveitarfélögum

Mikilvægt er að tilgreina aðferðafræði úttektarinnar þannig að samanburður verði raunhæfur. Taka þarf alla þætti inn í úttektina eins og lög/reglugerðir um starfsemina, þátttöku, fjármagn (rekstarfé/styrki frá ríki/sveitarfélögum og sjálfaflafé) og uppbyggingu á faglegu starfi s.s aldur starfsmanna, menntun og stefnumörkun.

Mikilvægt er að í tillögugerðinni um mælingu á árangri átaksins verði samstarf og uppbygging á forvarnaneti innan sveitarfélaga fundinn veglegur samastaður í markmiðslýsingum.



Fjármagn til átaksins


Þegar gerð er tillaga til nánari ákvæða í lög nr. 18/2003 þarf að koma skýrt fram til hvers konar verkefna fjármagnið er ætlað. Mikilvægt að ekki sé úthlutað til reksturs meðferðarúrræða heldur komi fjármagnið til úthlutunar í verkefni þar sem verið er að vinna með börn og unglinga í 1. og 2. stigs forvörnum innan sveitarfélaga (félagsmiðstöðvar, skólar) og frjálsra félagasamtaka. Setja þarf skýrar starfs- og úthlutunarreglur.

Mat á árangri

Áætlunin til næstu 5 ára verður að vera sett fram á skýran hátt með mælanlegum markmiðum. Verkefnaáætlanir þeirra verkefna sem njóta styrkja eiga að vera aðgengilegar á netinu þannig að aðrir geti nýtt sér hugmyndirnar. Mat á árangri verkefna og á áttakinu í heild sinni á einnig að vera sett fram á netinu eða í gefið út.

Það er ánægjulegt ef Alþingi samþykkir tillögu um eflingu félagslegs forvarnastarf því það er staðreynd að fjármagni sem veitt er með markvissum hætti beint í starf með börnum, unglingum og ungu fólki er að skila "forvarnahagnaði" til þjóðfélagsins.

Fyrir hönd SAMFÉS


G. Linda Udengård
Formaður SAMFÉS



SAMTÖK SUNNLENSKRA SVEITARFÉLAGA

Alþingi

Erindi nr. Þ 130/523

komudagur 8.12.2003


Selfossi, 5. desember 2003

**Nefndasvið Alþingis
Austurstræti 8 - 10
150 Reykjavík**

Á fundi stjórnar Samtaka sunnlenskra sveitarfélaga, sem haldinn var 3. desember sl., var tekið fyrir erindi, dags. 18. nóvember 2003, þar sem óskað var umsagnar um tillögu til þingsályktunar um eflingu félagslegs forvarnarstarfs, 35. mál.

Stjórnin samþykkti að mæla með með samþykkt tillögunnar.

Virðingarfyllst,
f.h. SASS


Þorvarður Hjaltason
framkvæmdastjóri

SSNV. Samtök sveitarfélaga á Norðurlandi vestra

Kt. 541292-2419. Pósthólf 130. 530 Hvammstangi. Sími: 455 2510. Fax: 455 2509. ssnv@simnet.is

Alþingi

Erindi nr. Þ 130/675

komudagur 30. 12. 2003

Nefndasvið Alþingis
Félagsmálanefnd
Alþingi
150 Reykjavík

Hvammstanga 14. desember 2003


Málefni: Tillaga til þingsályktunar um eflingu félagslegs forvarnarstarfs. 35. mál.

Á fundi stjórnar SSNV, sem haldinn var 9. desember sl, var tillaga til þingsályktunar um eflingu félagslegs forvarnarstarfs. 35. mál, tekið til umsagnar.

Stjórn SSNV mælir með að tillagan verði samþykkt.

Þetta tilkynnist hér með.

Virðingarfyllst



Bjarni Þór Einarsson,
framkvæmdastjóri SSNV.



Alþingi
Erindi nr. Þ 130/433
komudagur 3.12.2003

UMBOÐSMAÐUR BARNA


Nefndasvið Alþingis
Austurstræti 8-10
150 Reykjavík

Reykjavík, 2. desember 2003
Tilvísun: UB 0312/4.1.1

Efni: Tillaga til þingsályktunar um eflingu félagslegs forvarnarstarfs, 35. mál.

Vísað er til bréfs félagsmálanefndar Alþingis, dagsett 18. nóvember 2003, þar sem óskað er eftir umsögn minni um ofangreinda tillögu.

Með bréfi til félagsmálanefndar, dagsettu 10. janúar 2002, veitti ég umsögn mína um tillögu til þingsályktunar um eflingu félagslegs forvarnarstarfs, 14. mál. Í umsögninni tók ég heilshugar undir þær hugmyndir, er komu fram í tillögunni og mælti með því að hún yrði samþykkt. Ítreka ég hér með þá skoðun mína, en leyfi mér að öðru leyti að vísa til framangreindrar umsagnar.

Virðingarfyllst,

Þórhildur Línadal



Ljósrit

UMBOÐSMAÐUR BARNA

Nefndasvið Alþingis
Austurstræti 8-10
150 Reykjavík

Reykjavík, 10. janúar 2002
Tilvísun: UB 0201/4.1.1

Efni: Tillaga til þingsályktunar um eflingu félagslegs forvarnastarfs, 14. mál.


Vísað er til bréfs félagsmálanefndar Alþingis, dagsett 28. nóvember 2001, þar sem óskað er eftir umsögn minni um ofangreinda tillögu.

Efling *félagslegs* forvarnastarfs er að mínu mati ákaflega þarft og tímabært framtak. Forvarnarstarf á ekki að felast eingöngu í fræðslu og áróðri, heldur einnig í að sjá unga fólkinu fyrir afþreyingu í formi heilbrigðs og *uppbyggjandi* félagsstarfs. Í þessu sambandi vil ég leggja þunga áherslu á mikilvægi þess að vandað verði til *úttektar* á félagsstarfi hvers konar, þannig að góður grundvöllur skapist til að setja fram markvissar og haldbærar tillögur til eflingar þessum mikilvæga þætti í daglegu lífi barnanna okkar.

Í greinargerð með tillögunni eru taldir upp nokkrir aðilar, er koma að félagsstarfi barna og unglunga og er þar sérstaklega litið til félagsmiðstöðva, en reynslan sýnir að þangað leita börn og unglingar mikið til tómstundaiðkunar. Þá vil ég taka undir það sem segir um mikilvægi þess að félagsstarfið sé fjölbreytt svo allir finni eitthvað við sitt hæfi, ekki síst unglingar á aldrinum 16-18 ára.



Ég tek heilshugar undir þær hugmyndir, sem fram koma í tillögunni og mæli með því að hún verði samþykkt.

Virðingarfyllst,

Þórhildur Línadal